Dissertatio medica inauguralis, sive Apologia pro medicina empirica: Quam, annuente summo numine ex auctoritate magnifici rectoris, D. Davidis van Royen / Eruditorum examini submittit Samuel Musgrave, Anglus.

Contributors

Musgrave, Samuel, 1732-1780. Royen, David van, 1727-1799. Luchtmans, Samuel, -1780 Luchtmans, Johannes, active 1750-1807 Rijksuniversiteit te Leiden.

Publication/Creation

Lugduni Batavorum : Apud Sam. et Joh. Luchtmans, 1763.

Persistent URL

https://wellcomecollection.org/works/hqckreca

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org

DISSERTATIO MEDICA INAUGURALIS,

SIVE

APOLOGIA

PRO

MEDICINA EMPIRICA.

QUAM, ANNUENTE SUMMO NUMINE

Ex Austoritate MAGNIFICI RECTORIS,

D. DAVIDIS VAN ROYEN,

MEDIC. DOCTORIS, NEC NON BOTANICES IN ACA-DEMIA LUGDUNO BATAVA PROFESSORIS ORDINARII,

NECNON

Amplissimie Senatus Academici Consensu, & Nobilissimie Facultatis Medicae Decreto,

PRO GRADU DOCTORATUS,


Summisque in MEDICINA Honoribus, & Privilegiis rite ac legitime consequendis,

Eruditorum Examini submittit

SAMUEL MUSGRAVE, ANGLUS,

Soc. Reg. Lond. Socius.

Ad diem 6. Junii MDCCLXIII. H. L. Q. S.



Apud SAM. ET JOH. LUCHTMANS, 1763.

Digitized by the Internet Archive in 2018 with funding from Wellcome Library

VIRO CLARISSIMO

BERNARDO SIEGFRIEDO ALBINO, M. D.

ANATOMES, CHIRURGIÆ ET MEDICJNÆ
IN ACADEMIA LEIDENSI PROFESSORI
PROMOTORI SUO HONORATISSIMO
S. P. D.

SAMUEL MUSGRAVE.

Albine Illustrissime, ut liberam veritatis professionem, in quæstione præsertim philosophica, invidiæ & offensionum metu resugiendam esse arbitrarer. Etenim si tanta quorundam perversitas atque imprudentia est, ut recepta jamdudum dogmata nullo modo impugnari ferant, saltem morbi istius labes Viros doctrina & ingenio excellentes, qui ex se potiùs quam

DEDICATIO

ex præceptorum dictatis sapiunt, Tui denique similes, non tangit. Quod & olim judicavi, & nuper, cum Te de bac mea disputatione consulerem, expertus sum. Negabas enim hanc studiorum Academicorum legem ese, ut ad certam aliquam normam omnium sententiæ componerentur; nibil probibere aiebas, quo minus in medium proferrentur quantumvis paradoxa, que ad cujuslibet scientiæ illustrationem pertinerent; postremò institutum meum adeò non improbabas, ut etiam, quæ Tua est bumanitas, laudares. Quæ omnia eo disertiùs commemoro, quo magis necessarium videtur, adversus contumelias & dicteria, quæ in novatores conjici solent, Tuâ me auctoritate munire. Quis enim vel argumenti novitatem reprehendat, quam Tu utilitate com-

DEDICATIO.

pensari putes, vel scriptoris fastidiat obscuritatem, quam Tu, tantus Vir, non aspernatus sis? Atque bic multa reticeo ex quibus facile esfet Tuam de totà bac quastione sententiam perspicere; que si afferrem, magnum baud dubiè præjudicium apud eruditissimum quemque & sapientissimum facerent. Nibilominus reprimo me, cùm quòd inverecundum foret ante tempus divulgare, que aptiùs ex Te cognoscerentur; tùm quòd veritatis causa non fautorum claritate, sed rationum momentis tuenda est. Interea, de Benevolentià Tuà, totque propensissimæ in me voluntatis indiciis, quid dicam, aut quomodo gratias agam, nescio; ne aut temeritatis arguar, si bæc tanquam assensionis Tuæ pignus interpreter, aut arrogantiæ, si mibi potiùs, quam causæ a me defensæ accepta re-

fer-

DEDICATIO.

feram. Utcunque sit, grato certè memorique animo non excident. Vale, Vir Egregie, meque inter cultores Tuos devinctissimos & devotissimos numera. Dabam Leidæ Calendis Junii. Anno MDCCLXIII.

finding the film quid dependential ford and quit-

. State of a contrators from stone a tradicion and and a

- The fair of the teams of the first than the second than the

published to a 190 per management and the second of the second of




DISSERTATIO MEDICA INAUGURALIS:

SIVE,

APOLOGIA

PRO

MEDICINA EMPIRICA.



profitentur, revera perspectas habent, neque specie veritatis decipiuntur, non est dubitandum, quin tam accurata corporis humani cognitio magnam subinde lu-

A

cem

11190

cem medentibus præbitura sit. Contra, si Doctrina eorum suspicioni obnoxia sit, neque phænomenis, quantum satis est, conveniat, ecquis utile medicinæ putet, nedum verò necessarium, quod aut manisestò falfum, aut jure suspectum sit? Itaque caput quæstionis est, an ulla adhuc prodita sit Theoria, cujus veritas aut certa, aut probabiliter explicata sit; quo rite dijudicato facillimum de altero judicium est. Quæ cum mihi persuasa essent, animoque inhærerent, nunquam me admodum commovebant, que a Theoreticæ rationis fautoribus jactabantur; cæcam fore atque ancipitem Medicinam, nisi Theoriam aliquam, velut Ducem, sequatur. Priùs enim de Duce quærendum putavi, satisne oculatus esset & locorum gnarus; duplex quippe periculum effe, fi, ut nonnullis accidit, cæcum cæcus adhibuissem. Neque magnopere, credo, hortandi funt æqui eruditique lectores, ut eundem quoque animum ad hanc quæstionem excutiendam afferant, nec priùs de genere Theoretico pronuncient, quam de fingulis Theoriis quid statuen; dum sit, diligentiùs mecum perpenderint.

Sed erunt fortasse, qui me, Veterum & Recentiorum Theorias resellere aggredientem, pene infiniti laboris onus suscepisse existiment, quod tamen multò levius & tolerabilius est, quam videtur. Etenim, quæ ab initio artis ad nostrum usque seculum suffragia hominum partitæ sunt, pleræque neglectæ jacent, nec ullos jam sectatores inveniunt; quas proinde, cum nemo defenderit, stultum foret magno conatu impugnare. Quamobrem breviter his, quæ exoleverunt, percursis; ad reliquas vigentes adhuc celebratasque festinabo. Et primum quidem de Hippocratis doctrina non constare videtur, utrum morbos a sanguinis, bilis, pituitæ denique excessu & acrimonia deducat, an a spirituum, id est, aëris actione eos, quos nominavi, humores corrumpenti; adeo nihil in ea explicatum aut morborum phænomenis accommodatum est. Post Hippocratem deinde Erasistratus, cum sanguinem venis, arteriis verò aërem contineri statuisset. inflammationem effici putabat, & ex ea porrò febrim, quoties sanguis in vasa, aëri destinata, transiret; de quo minimè necessarium est apud eos disserere, qui arteriarum usum ex Harveii inventis didicere. Jam, ut Asclepiadem paullisper mittamus, quid Methodicis absurdius, qui Theoriam neque, ut falsam, repudiarunt, neque strenuè, ut veram, amplexi sunt, sed utramque rationem miscendo corruperunt? Quibus ætate inferiores Pneumatici in singulis morbis diversum spirituum genus accusabant, quod nihil utique aliud est, nisi rei ignotæ nomen speciosum præten-

A 2

dere. Quid Galenus, qui siccitatis & humiditatis, caloris & frigoris velut æquilibrium in corpore constituit, eoque pereunte, valetudinem labefactari existimat? Num Theoriæ hujus simplicitatem curationum quoque simplicitate æquare potuit? Inter recentiores porrò Sylvius, qui nullam morborum causam, præter aciditatem, agnoscit, nonne ab omnibus, qui doctrinam ejus vel obiter commemorant, ridetur? Quanquam æquè ridiculus est, meo judicio, Willifius, qui medicinam ad certas leges exigens, principium systematis fecit spirituum ataxiam, id est, rem omnium incertissimam, nullisque omnino legibus obtemperantem. Atque hæ quidem Theoriæ, cum per modicum temporis spatium floruissent, aliarum ortu aut incremento extinctæ funt. Quæ verò ex irritabili corporis natura ante aliquot annos deduci cœpta est, proprià, ut videtur, debilitate, etiam in cunis interiit.

Omnino, ex tanto fystematum numero, non plura duobus sunt, quæ recentioris Philosophiæ lucem sustinere potuerunt; quorum alterum ex metaphysicæ penetralibus depromptum est, alterum certis & perspicuis mechanicae principiis se tuetur. De his igitur sustin & uberiùs disseremus, & primum quidem de eo, quod ex animæ natura & actione Stahlius Germanus concinnavit.

Duæ ergo, si Stahlium audimus, in corpore huma-. no propensiones sunt; altera, quâ ad putredinem & corruptionem tendimus, ab elementari corporis mixtione oriunda; altera verò, ab animâ, corporis incolà, profecta, quâ ad sanitatem & vitam vindicamur. Propagatur autem animæ vis a cerebro ad extrema corporis per nervos, quorum actio si quovis modo impeditur, morbos subsequi necesse est. Morborum præcipua causa est, sanguis præter modum abundans, spissiorque sensim factus, unde animæ vis retardatur, ne corpori liberè & quantum satis est, prospiciat. Ergo, ut fanguinis copiam minuat, simulque lentorem etiam frangat, varia moliri folet Anima, velut hæmorrhagias, sudores, diarrhœas, calorem febrilem & similia. Sed in his remediis adhibendis perturbatur aliquando animæ conatus, ut vel acrior justo sit vel remissior. Interdum etiam symptomata, que corpori purgando & a morbis liberando plerumque inserviunt, a morbi ipsius vehementia inducuntur; quod cum fit, diversam curationem postulant (a).

Habes, Lector, compendium doctrinæ Stahlianæ; quæ, ut veram esse concedamus, Theoriæ usum non

⁽a) Stahl. Patholog. Pars 1. Gen. Sect. 5.

præstat, neque adeo nomen tam honorisicum mereri videtur. Quid enim docere debet Theoria, aut quam maxime ob causam a Medicis adsumitur? Nimirum. quod ad Medicinam attinet, eadem plane hominum conditio est, ut si aliquem fingamus, qui horologium exquisitissimum nactus, nihil aliud desideret, nisi ut integrum maneat, motûsque æquabilitatem conservet. Huic igitur, unum illud spectanti, quid motum generet, five elateris actio, five plumbi gravitas fit, non admodum scire profuerit, nisi sciat etiam, quæ impedimenta turbare soleant, quo faciliùs aut tollat præfentia, aut venientibus occurrat. Quod in medicina quoque necessarium esse viderunt omnes, præter Stahlium, Theoretici; morborumque adeo causas, non sanitatis, explicare properarunt. Quemadmodum sunt inter alios, qui ab alcalino vel acido liquorum statu valetudinem corrumpi existimant; quorum utrumvis. si verum esset, expeditissimam curandi rationem ostenderer. Diversam ab istis viam ingressus est Stahlius. Multis contendit, animam vitæ & fanitatis confervatricem esse; cujusmodi autem sint, quæ sanitati officiunt, negligenter admodum & jejunè explicat.

Sed hæc ne ad invidiam dici putentur, paucis confirmanda sunt. Ex morborum igitur causis primam facit conatum quendam ad putredinem, ipsis corpo-

ris elementis a natura adjunctum. Verum cum huic ex Hypothesi opponatur æquipollens animæ actio, pro nihilo plane habendus est, siquidem, ex Physicorum axiomate, potentiarum æqualium actio contraria nullum effectum generat. Quare, hoc feposito, totum systematis pondus in causas auxiliatrices delabitur, id est, in fanguinis copiam & lentorem, a quibus vim animæ conservatricem retundi quodammodo & fuffocari contendit. Jam, ut extra controversiam verum est, multa corporis mala his fanguinis conditionibus originem & incrementum debere, ita pariter constat alia, & fortasse plura esse, quæ ex radice diversa pullulant. Nondum compertum est Tertianas, Dysenterias, Exanthemata cujuscunque generis, plethoricos sepiùs, quam alios, invadere; contra verò Hydrops, Phthisis, Fe. bres denique putridæ, nunquam magis formidari folent, quam cum fanguis tenuior folito & dilutior factus est. Plethoræ igitur essicacia partem duntaxat morborum complectente, Theoriam Stahlii imperfectam esse apparet, nulla quippe reliquis causa attributa, nisi eas excipias, morbofas potitis affectiones, quam morbos, quæ ad animæ actionem referuntur.

Sed, ut dixi, in Theoriæ Stahlianæ explicatione multò minùs de morborum causis, quam de anima, disputatur: eam scilicet conatum corporis ad putredinem

contrario conatu reprimere; neque hoc folum, sed cum occasio exigit, ultra solitum commovere se, superfluamque humorum copiam, sibi utique obstituram, vel per calores febriles digerere, vel per hæmorrhagias, sudores, diarrhœas, e corpore ejicere. De quâ doctrinâ primo videbimus, an in medicina facienda multum lucis præbitura sit. Enimverò fatetur Stahlius, animam aliquando, aut præ debilitate, aut quia intùs perturbatur, non fatis gnaviter morborum depulsionem moliri; aliquando etiam nimis contendere, atque ultra scopum jaculari; postremò symptomata graviora morbi potiùs vehementiæ, (b) quam animæ actioni imputanda esse: quare non semper naturæ permittendum esse, ut quo cœpit passu, progrediatur; nam & frena interdum injicienda esse, & calcar quoque addendum. Esto: sed ut hoc rite fiat, canonem desideramus, perspicuè docentem, cum quid morbo, non animæ, debeatur, tum de anima quoque, num acrius justo vel remissius, an contra strenuè prudenterque opus in singulis ægris aggrediatur. At dixerit fortasse aliquis: quæcunque febres excretionesve, nec valdè corpus debilitant, nec magnam ei molestiam creant, animæ con-

⁽b) p. 474. Sect. minor. 9. p. 490. Sect. min. 4.

consilio excitantur, adeoque non temere inhibendæ sunt; cæteræ, quæ modum excedunt, vel a causæ morbofæ vehementiå inducuntur, vel ab animå turbatâ & sui non compote. Id si responderint Stahliani, quod unum respondere possunt, non injucundum erit, rationibus subductis, videre, quantum ex tota hac Theoriâ lucremur. Docemur utique excretiones immodicas, febresque vehementiores moderandas esse; quis ignoravit? easdem, quoties temperatæ funt, corpus purgare, saniusque in posterum reddere; quis dubitavit? nonnunquam, ubi scilicet animæ conatus deficit, provocandas ultro & proliciendas esse: quis non Medicorum prolicere tentavit? Magno beneficio Medicinam affecisset Stahlius, si quomodo hæc in omni ægro fieri possent, ostendisset: fieri debere notissimum erat, faltem non adeo ignotum, ut per tot libros diffundi, tantoque verborum apparatu explicari neceffe effet.

Hactenus de doctrinæ Stahlianæ utilitate; nunc ut quæstionem, si sieri potest, consiciamus, ne illud quidem quærere resugiemus, quod omnium dissicillimum est, utrùm & quo sensu animæ morborum depulsio tribuenda sit. Quod ut clariùs perspiciatur, non inutile erit in sano priùs corpore, quod animæ munus, quale imperium sit, cognoscere. De sætu igitur, ut

ab initio rem repetamus, dubitari non potest, quin causæ intra ovum positæ incrementum & formam debeat, non, ut suspicari aliquis posset, materni sanguinis propulfioni, tenera ejus vafa dilatanti, novamque indies materiem apponenti. Etenim arteriarum uterinarum vis fanguinem ultra cellulas placentæ non promovet, qui inde postea per venam umbilicalem absorbetur, atque, ut ita dicam, exsugitur. Quod duo maximè argumenta declarant; primò, quòd liquores per arterias uterinas injecti ad venam umbilicalem non perveniunt; secundò, quòd funiculo umbilicali discisso, ab ea parte, quæ ex utero propendet, non adeo magnum fanguinis profluvium in plerisque faltem feminis esse solet. Atque hinc porro intelligitur, cur inter matrem & fætum tantum nonnunguam sit obesitatis & gracilitatis discrimen, cum vel mater emaciata grandem & robustum infantem edat, vel contra habitior exfuccum & debilem. Quare est, ut dixi, certissimum, incrementum & formationem fœtus ab ipso fœtu proficisci; quem si quis, Harveium imitatus. fui domicilii fabrum esse dixerit, non magnopere repugnem, modo ea metaphora ad operam fabri, non ad artem & solertiam, referatur. Nam si quis animam fætûs hæc omnia ratione & consilio administrare putet, divina quippe prudentia instructam, næ illum

ex-

explicare oportet, cur tam multi hydrocephalo laborantes, aut imperforati, aut alio modo monstrosi, spirituique trahendo inhabiles, in lucem edantur. Contra, si animæ tribuere hæc pergat, quanquam non ratione & confilio, sed necessariò agenti, quod vim aliam, necessitatis causam, desiderat; ea profecto ejusmodi actio est, ut cum manus invita aut emortua, sed ab alia manu gubernata, literarum formas aut aliud quidvis in chartâ describit. Atque hic non ignoro tantum harum rerum obscuritatem esse, ut omnem pene animi aciem contentionemque eludant. Verum, si ulla clarior reliquis perceptio est, si ullum fiduciæ in hujusmodi quæstionibus usurpandæ tempus est, tum profectò est, cum negamus aliquid verum esse, non affirmamus. Quamobrem non vereor, quæ fuperiùs dixi, iterare, & velut certa proponere, non externam neque mechanicam vim esse, quæ corpus fabricetur, deinde verò rationis & confilii expertem effe. Ex quo efficitur esse in viventibus vim aliquam diversæ ab utraque naturæ, quæ necessariò, id est, secundum leges a Deo constitutas, nobis autem ignotas, operetur; quam si quis animam appellare velit, saltem cavere debet, ne in ea voce adhibenda intellectus & judicii notionem admifceat.

Jam, hanc tertiam vim, nec mechanicæ legibus, nec
B 2 men-

mentis imperio parentem, nihil meliùs illustrat, quam fibrarum muscularium natura. Nemo ignorat musculos obsequentissimos humanæ voluntatis ministros esse; jussa ejus promptissimè & capessere, & exequi; quoties motus aut continui aut repetiti desiderantur, non cessare, quanquam aliud agente domina, nec donec missionem acceperint, quieti se tradere; denique, si quidquam omnino in corpore, hos certè in mentis potestate esse. Nihilominus hi, tam fideles plerumque famuli, ubi causa irritans accesserit, non modo nutum voluntatis non expectant, sed & ea repugnante contrahuntur. Quemadmodum fieri videmus, quando os. ficulum, vel aliud quidvis acuminatum in Oefophago hæret. Pharyngis enim & Oesophagi musculis indesinenter comprimitur; unde sævissimus dolor, quem nemo non evitare percupiat. Similiterque in tustiendo quantos nonnunquam cruciatus patimur, quos facile esset sedare, si musculos respiratorios dociles semper morigerosque haberemus? Quid? quod musculi auris internæ, quique Tubam Eustachianam aëri exeunti, ut putatur, aperiunt, Iridis porrò fibræ musculares, nullum animi imperium agnoscere videntur, sed a solà irritatione gubernantur? De quâ facultate irritabili cum tam luculenter in præclaris Halleri commentariis disseratur, supervacuum esset plura dicere. Quare hoc concontentus ero animadvertisse; si musculi, præsertim ii, quos natura mentis humanæ satellites esse voluit, aliam vim insitam atque ingenitam habent, qua certas actiones sine mentis consensu obeunt, quanto id de corde, visceribus, glandulis verisimilius est, quæ a mentis imperio regi nullum indicium est? Ubi non contendo, vim quæ cordis contractionem, vermicularem intestinorum motum, secretiones denique glandulares essicit, irritationis similem esse; quod essi multis credibile videtur, non ausim assirmare: illud tantum dico, videri mihi cum musculos, tum verò viscera & partes glandulares, potestatem insitam habere, qua certos essectus Physicè & sine mentis interventu edunt.

De his autem, cum in promptu sit certior transigendi ratio, non necesse est ad conjecturas & suspiciones consugere. Etenim Stahlianos alterutrum dicere
oportet; vel, quod nobis videtur, cordis contractionem, secretiones glandulares, & quæcunque alia ejusmodi sunt, physicè & necessariò sieri; vel quod ipsi
obscuriùs significant, a libero mentis actu, cujus tamen nullam conscientiam aut memoriam habemus,
pendere; quando inter ea quæ liberè, quæque necessariò siunt, nihil tertium intercedere aut intelligi potest. Sed ut aliquid a mentis actu pendeat, necesse

est ut mens, primò agendi vel non agendi optionem habeat, deinde ut tempora & modos agendi ipsa per se disponat & constituat. Jam igitur, si hæc omnia menti concedimus, non ineptè quæri potest, cur tam sæpe a corporis conservandi scopo aberret. Velut, si cordis contractionem regit, cur non rariùs debiliùsque contrahi jubeat, cum arteria discissa aut dilatata est; si alvi dejectiones efficit, cur non reprimat, cum exitium minantur; si urinam in renibus fecernit, cur succos etiam nutritios, in iis qui Diabete laborant; si in febribus excitandis corporis tantum purgationem spectat, cur in Phthisicis quoque accendat; si nixus parturientium ciet, cur vehementissimos esse faciat, cum caput infantis utero inclusum & constrictum detinetur. Meritò gravissimus Auctor, Heisterus, naturam, tanquam impotentem quandoque & infidam, accusat; atque is una tantum re permotus. scilicet quòd placentam non semper ex utero puerperarum excutiat; quanto magis accusare potuisset, si non modo de inertia ejus, sed de intempestiva quoque & noxià sedulitate occasionem disserendi habuiffet ?

Quomodo igitur hæc & similia solvunt Stahliani? Nempe aiunt, quæ intempestivè in corpore fiunt, quæque modum excedunt, vel non omnino ab anima (c), vel ab anima certè perturbatà. excitari. Que eorum distinctio si legitima censetur, nihil in posterum facilius erit, quam systematum in omni parte Philosophiæ concinnatio, modo cuivis liberum sit, phænomena quæ suis opinionibus conveniunt, seligere, cætera vero, ad aliam eamque ignotam causam rejicere. Quare hoc iis, falvis Philosophiæ legibus, concedi non potest. Majorem speciem habet, quod in hanc partem disputari folet, potestatem animæ in iis clarissimè cerni, que corpori, ex perturbatione ejus, superveniunt. Utique non desunt exempla, ubi ventriculum cibis mediocriter plenum aliquid præter spem visum aut auditum ita turbaverit, ut non modo digestionem perficere nequiret, sed & omnia, quæ intus erant, evomere cogeretur; eodem fere modo, quo canes illi (d), quibus octavi paris nervi a Valfalva constricti fuisse memorantur. Atque hinc colligunt multi, non modo, quod facile concesserim, digestionis Theoriam ex conjuncta humiditatis, caloris, & putredinis vi repetitam, longé a vero abesse, quando interdum, his omnibus manentibus, digestionis tamen opus

(d) Morgagni Epist. Anatom. 12. S. 28. 29.

⁽c) Patholog. Sect. Gen. 3. Membr. 1. vid. etiam p. 490. Sect.

opus non procedit; verum etiam, quod firmiora certè argumenta desiderat, cibi resolutionem solius animæ vi gubernari & perfici. Verùm hoc exemplo non contenti, alia multa commemorant, que corpus a subitâ animi commotione perpeti folet; velut deliquia, musculorum paralyses, menstrui fluxûs suppressiones, hysterica etiam urinæ profluvia; quæ omnia ita interpretantur, quasi anima, attoniti instar, officii sui oblivisceretur, neque vim vitalem ad omnes corporis partes transmittere curaret; aliter enim explicari non posse, quomodo a terrore, re scilicet incorporea, quæque intellectu tantum percipitur, tales effectus edantur. Quæ etsi primo intuitu satis probabilia videntur. facilis tamen responsio est; longè aliud esse, animam sanam facultates corporeas moderari, easque pro libitu intendere vel segniores facere; aliud, ægram & commotam turbare. Est ea inter corpus & animam consensio & fœdus, ut alterum graviter affectum non rarò malum cum altero, quodcunque est, communicet; qualem etiam communionem inter diversas corporis partes obtinere compertum est. Itaque non modo animæ affectiones, cordis, viscerum, glandularum, actionem turbant, sed aliquando etiam ventriculus, concoctione non rite peractà, aliquando materies perspirabilis, a frigore retro pulsa; denique partes membrabranose, cum aut vulneratæ, aut a causa interna inflammantur. Quibus cum nemo imperium in corporeas facultates tribuat, non video cur animæ, similes
turbas excitanti, tribuere debeat. Imo, si hoc jure
fieri putatur, pari ratione colligi posset, animam corpori, quin vesicæ quoque aut utero parere, siquidem
& ab urinæ suppressione & a menstruis retentis intellectus quoque statum labefactari novimus.

Jam illud satis, credo, Lector intelligit, si vis qua actiones vitales peraguntur, physicè & necessario agit, non magis eam posse præscriptum naturæ ordinem deferere, & fine cause cujuscunque ope hæmorrhagiam, aut diarrhœam, aut febrim efficere, quam velum, nullo vento impulfum, navigium in mari movere. Ex quo fequitur, non modo, quod Stahlio placet, vehementiora corporis mala, verum etiam leviora, quæ spem melioris in posterum valetudinis faciunt, cause physice, non intellectuali, tribuenda esse; licet qualis ea sit, & quomodo agat, ignoretur. Quid? quod symptomata, quæ Stahliani animæ vindicant, a causis physicis nonnunquam induci constat; vomitum, puta, a Tartaro Emetico; Febrim a vini potatione; Hæmorrhagias a vehementi solis ardore; Ulcera denique a labis Venereæ contagione? Num igitur ad animam & vim conservatricem hæc quoque referri placet? Sin hoc nemo defendere ausit, cur non in aliis quoque, hoc genere malorum laborantibus, suspicari licet, aliquid in ventriculo, in visceribus, in fanguine sensim accumulatum esse, quod Tartari Bmetici ad ventriculum irritandum, quod crapulæ ad febrim accendendam, vim habuerit; quod venarum oscula aperire, quod ulcera, quanquam non venerea, creare potuerit? Neque dispar sudorum sponte nascentium, aut alvi profluviorum ratio est. Quibus explicandis quid necesse est novum causarum genus comminisci, animamque actionibus, quarum se consciam esse negat, præficere, quando similes effectus a causis materialibus edi constat? Aut quid minus consentaneum est, quam Stahlianos, qui gravissima quæque symptomata ad morbi vim referunt, idem in levioribus malis, febriculá puta aut narium hæmorrhagià, non faciendum putare?

Quid igitur? Vis illa, viventium corpori ingenita, quâ, ut dixi, actiones vitales peraguntur, nihilne ad morbos depellendos confert? Duplex huic quæstioni pro diverso ejus sensu responsio est. Nam si de certo hujus vis temperamento quæritur, cum nec justo languidior est, nec ultra modum inrenditur, nemo negaverit maximum ejus in sanitate restituenda momentum esse; interdum quoque solam & sine medicinæ

ope sufficere. Contra, si moderatior ejus status non seorsim spectandus, sed generatim de tota re pronunciandum est, videtur, quoniam multa morborum genera exasperat, non absurde vento comparari posse, qui navim, & cum portum ingressura est, propellit, & cum rectà in scopulum desertur. Stahlii igitur Theoria, cujus unicus fere scopus est, hanc vim, mutato nomine, celebrare, perinde medenti utilis est, ac si quis Nauticæ artem docens, multis ostenderit venti impulsu naves ad portum pervenire, nihil interea de clavo regendo, aut velis explicandis colligendisque præcipiens.

Evasit jam oratio ex pathologiæ Stahlianæ tenebris, clarius, quod restat argumenti, amæniusque habitura. Etenim Mechanicorum Theoria, de quâ secundo loco disserendum erat, ut non sit verior naturæque convenientior, planior certè disertiorque est alterà. Mechanicorum Theoriam dico, quæ morbos estici statuit, quoties sanguinis & humorum circuitus, quo vita contineri putatur, in quacunque parte corporis aut retardatur, aut omnino subsistit; quod ubi accidit, obstructio vocatur. A quâ sententiâ non valdè alienum videtur, quod ab Asclepiade, Ciceronis æquali & familiari, disputatum est: manantia corpuscula per invisibilia foramina subsistendo iter clau-

dere; eamque morborum originem esse. Sed hæc opinio, studiosè tum a summo atque eloquentissimo Viro defensa, insequentibus seculis, aut deserta, aut a paucis admodùm probata est; plerisque ad Themisonis aut Galeni placita desciscentibus. Tandem, sub exitum feculi superioris, cum Mechanica rerum naturalium explicationi adhiberi cæpisset, idque in multis feliciter procederet, magnamque novæ huic philosophiæ admirationem peperisset, extitere inter alios, qui iisdem quoque legibus medicinam subjicerent, nec ullum in corpore humano vitium agnoscerent, nisi quod a canalium obstructione oreretur. Quorum opinioni viam quodammodo muniebat vulgatus eodem seculo sanguinis circuitus, cujus initium & finem cum vivendi terminis convenire videntes, facile existimabant unum hoc ad vitam sanitatemque desiderari, omnesque corporis noxas ab impedito fluidorum transitu repetendas esse. Itaque velut impetu facto in eam sententiam itum est; maxime postquam cæteris ejus fautoribus Boerhaavii quoque ingenium accessit. Hic enim, cum esset medicinæ peritia in-Aructissimus, summamque in Theoria hac illustranda curam posuisset, omnes facile, nisi qui Stahlio se addixerant, abripuit; obtinuitque illico, ut Bellinio & Pitcairnio posthabitis, princeps inter Medicinæ Rationalis Doctores, imo unicus fere Doctor haberetur. Quam ob causam mirum videri non debet, si in hac parte disputationis, missis reliquis, quorum obscurius nomen minorque inter Theoreticos auctoritas est, ex hujus tanti viri scriptis Mechanicorum doctrinam æstimem.

Sed in Aphorismis Boerhaavii legendis, qui quidem libellus totius Theoriæ summarium est, facile alicui in mentem venerit, Doctissimum Auctorem, alias morborum causas, præter obstructionem canalium, constituisse. Etenim in ipso operis ingressu, nulla adhuc obstructionis injectà mentione, de morbis simplicis sibræ disserit, quorum duo genera ponit, laxitatem & rigorem. Progreditur mox ad vasa minima & majora; viscerum deinde conditiones, debilitatis scilicet & nimiæ tensionis exponit; addit morbos ab acido, ab alcalini spontanei & glutinis excessu. Nulla, ne nunc quidem, Obstructionis enarratio; neque sanè in morbis, quorum sedes vel in liquoribus solis, vel in sofidis constituitur, ullus obstructioni locus esse videtur, quæ quidem composita affectio est, ex relatione inter partes folidas & liquidas oriunda. Verum, qui scopum & ordinem disputationis diligenter introspicit, statim, opinor, videbit eas solidorum & liquidorum depravationes non tanquam simpliciter noxias poni,

fed quatenus tantum obstructioni generandæ inserviunt; sibram scilicet rigidam, non ideo nocere quia
rigida est, sed quia liquorum propulsioni nimis resistit;
similiterque humores acidos non propter acorem peccare, sed quia sanguinem coagulant, saltem circulo
corporis obeundo, vasculisque permeandis inhabilem
reddunt. Manet ergo, secundum Boerhaavium, commune illud Mechanicæ sectæ principium, proximam
morborum causam semper in Obstructione quærendam
esse. Quare caput hoc & velut sundamentum totius
Theoriæ existimandum est; quod si labesactare contigerit, corruant necesse est, quæcunque ei inædisicata
sunt: quæ propterea non persequemur, sed ipsum,
ut dixi, fundamentum aggrediemur.

Atque hic non contendimus, neque probare conamur, nullum corporis malum a fimplici obstructione pendere. Nimis recondita morborum natura, nimis varia & multiplex conditio est, quam ut ita de universis pronunciare audeamus. Quare id tantum agimus, ut multa ægritudinum genera, eaque non ex rarioribus, sed vulgo hominum vitam infestantia, a caufarum mechanicarum actione sejungamus, atque ita paullatim, alia post aliam parte recisa, regnum Obstructionis minuamus. Et primum quidem numerosa morborum familia est, quæ vel per tactum, vel aëris mi-

ministerio nares pulmonesque intrantis, ab ægro in fanum propagetur. In tali igitur corpore, quod halitus hujusmodi morbificos diffundit, aliquid sit necesse est, præter meram obstructionem mechanicam, quæ non magis ab homine in hominem, quam ab horologio in horologium transferri posset. Deinde halitus istos, quorum tanta subtilitas tenuitasque est, ut nec oculis pateant, nec tactu percipiantur, quomodo credibile est in vasculis, liquorem transmittentibus, hærere, obstructionemque ibi novam inchoare? Quid quod morbi, contagione suscepti, non omnes eandem formam induunt, nec tamen quælibet symptomata temere adsciscunt, sed, velut animalium lege generati, similitudinem quandam ejus mali, a quo femen diditum est, repræsentant? Quod aliter fieri oporteret, si causis mechanicis parerent, a quibus alienissima est hæc fymptomatum ad typum præscriptum conformatio. Itaque fateri necesse est, Variolas, Morbillos, Luem. Febres denique Epidemicas, nullo modo ab Obstructione aut causis mechanicis proficisci.

Febres porrò haud paucæ sunt, in quibus calor quidem vehemens est, sed per totum corpus æquabiliter disfusus, adeo ut nulla pars præ cæteris dolorem aut molestiam sentiat. In hoc igitur genere, quas tandem partes Obstructioni inveniemus, quæ nisi

certa sede consistat, nulla est, neque omnino intelligi potest? Nemo enim, arbitror, dicturus est, in omnibus fimul venulis vasculisque sanguinis retardatum & impeditum esse transitum; quod si unquam sieret, suffocari illico vitam penitusque extingui necesse est. Atque illud præterea animadvertendum est, nonnullas harum Febrium tum demum folvi, sanitatique concedere, postquam dolor acutus & inflammatio, unam aliquam partem obsidens, magnamque vim humorum eaversus derivans, abscessum, qui dicitur, generavit. Ubi non Febris Obstructionem, sed Obstructio Febrim secuta est: aut quid dico, secuta est? quæ adeo non malo nutrimentum aut vires suppeditat, ut certissimum ejus promptissimumque remedium sit. Quare & hi quoque morbi mechanicarum causarum imperio eximendi funt.

Eadem, nec minùs perspicua est, Exanthematum Febrilium causa; quorum curatio, ut a Boerhaavio etiam traditur, mechanicorum principiis apertè repugnat. Sed Virum Eximium audiamus. Exanthemata, inquit, pro materie habent aliquid, quod minima vascula cutanea transire non potest, sed ibidem hæret. Esto sanè. His igitur Obstructionibus tollendis ut quodque aptissimum est, ita optime morbo, juxta Theoriam, occurret. Jam nihil facilius erat, quam

8

tumorem & ruborem cutis, pustularumque elevationem iteratà venæsectione compescere. Sed hoe, licet Theoriz convenientissimum, ne Boerhaavius quidem audet suadere; adeo infelix ea curatio planèque lethifera esse deprehenditur. Quam igitur medendi viam proponit? Eam nempe, quam usus & experientia, non Theoreticæ rationes commendant, ut tenuis liquoris copia, donec sponte deferbuerit morbus, ad fudores excitandos ingeratur: id quod Boerhaavius vocat, materiem, quæ in vasculis cutaneis hæret, mobilem servare. Quo quidem exemplo intelligere licet, etiam in falsa Theoria praxin egregiam esse posse: Medicis nimirum, ubi exitus curationis doctrinæ eorum adversatur, ita Theoriam detorquentibus, ut non deseruisse eam, sed ab ea ad praxin deducti esse videantur.

Quid quod ulcera etiam & tumores inflammatorii, in quibus tanta obstructæ circulationis indicia sunt, clarissimè tamen ostendunt obstructionem eam comitem vel effectum mali esse, non causam? Etenim si hujusmodi vitia ab impedito liquorum transitu penderent, nullum utique in restituendo hoc transitu, id est, in discutiendà inflammatione vel ulcere sanando periculum esset. Quod contra esse experientia declarat. Nihil enim notius, quam ubi hoc imprudenter

& intempestive factum sit, renovari malum in alia corporis parte, vel etiam in pulmones atque intima vitæ penetralia derivari: prout Arthriticis inter alios non raro accidit. Neque hoc mechanice sieri putandum est. Quid enim absurdius, quam vasorum constrictionem ab alia parte in aliam, tam rapide præsertim, transferri? Nam quod ad liquorum spissitudinem attinet, nullum hic locum habere potest, cum hujusmodi metastases in corporibus infirmis & dilutiore sanguinis statu haud paullo frequentius quam in plethoricis contingant.

Jam in Rachitide, Scorbuto, Hydrope aliisque frigidioribus morbis, licet fegnis plerumque & languida fit circulatio, obstructa esse nullo modo potest. Quis enim obstructioni locus, ubi solidorum fibræ adeo laxæ & debiles sunt, ut vasa circulatoria ne justa quidem vi constringant; sluida verò adeo tenuia & aquosa, ut citiùs per tunicas ipsas vasorum exsudent, quam in canalibus hæreant. Itaque liquorum congestiones, quæ in hujusmodi morbis siunt, a vis vitalis desectu, non ab obstructione, repetendæ sunt. Ne quis enim erret; non est Obstructio, siquando sluida, propter imminutam propellendi aut absorbendi facultatem, stagnare contigerit; nisi forte horologium obstructum vocamus, cum elater ablatus est, aut molam vela-

rem

rem, cum auræ deficiunt. Quod si quis has, quoad effectum, obstructiones esse contenderit, meminisse tamen debet, nos de causis tantum morborum disputare: obstructiones verò, quibus hydropici & scorbutici laborant, siquidem ita dicendæ sunt, non antecedere malum, sed ejus aut nati jam, aut etiam adulti, indicium esse.

Quoniam verò certissima omnium & simplicissima obstructio est, quæ vasis comprimendis ligandisve efficitur, age videamus, quid, hoc facto, accidere foleat, quo faciliùs de obstructionum in morbis generandis efficacià judicemus. Enimvero si ligatura aut compressio ejusmodi sit, ut fibras sensibiles lædat, non est dubitandum quin, pro doloris magnitudine, inflammationem vel gangrænam illatura sit. At si hoc idem certà ratione fiat, ita ut nullus vel parum acutus doloris fensus excitetur, nihil aliud mali attrahere solet. nisi partis, in qua liquorum transitus intercipitur. torporem; qui proinde legitimus atque unicus obstructionis effectus censendus est. Atque hoc quidem clarè ostendunt impostores nonnulli, in triviis mendicantes, qui brachium fasciis tam arctè constringunt. ut dimidio minus, quam antea, imo aridum & exfangue appareat; nec tamen ullum gravius incommodum hinc fentiunt, tot millibus vasorum compressis, tantâque morâ circulationi injectâ, quantam a causis internis fieri vix credibile est. Sed fuerit hæc canalium duntaxat minutiorum compressio. Quid, ubi Arteria Brachialis, non spernendæ magnitudinis vas, propter Aneurysmum ligatur, num symptomata tristia esse solent, aut ullo modo Theoreticorum Tragædiis respondentia? Quod si tam ferax malorum esset obstructio, in Carotide certè periculofissima esse deberet: tradit tamen Morgagnus (e), canem; cui Valfalva utramque Carotidem arctissime constrinxerat, duos & viginti dies supervixisse, diutiùs victurum, nisi, re satis spectata, dissectioni subjectus esset. Quamobrem, cum magnæ obstructiones facile & sine ullo sanitatis damno tolerentur, nullo modo credibile est, tot morborum procellas, tantas facultatum depravationes, a minutiorum canalium obstructione, quæ plerumque ne sentiatur quidem, oriri. Etenim si natura, grandiori vase occluso, promptè tamen circulationem restituit. quidni hoc idem faciat, & multo quidem citiùs, quando extremos arteriarum ramusculos, in quibus & minor fanguinis copia, & tardior impetus, plura denique diverticula funt, inferciri contingit?

mooni suivara mullu memar particomi Com

⁽e) Epist. Anatom. 13. S. 30.

Cæterum totum hunc de Obstructione errorem aut peperisse videtur, aut confirmasse, temere concepta opinio, quod vitam dicimus, nihil aliud esse nisi debitam humorum in corpore circulationem. Sed enim circulatio a vità, & cogitatione separabilis est, & re aliquando separatur. Et primum quidem in Polypis, qui, corde destituti, sine ullà, ut videtur, circulatione vitam sustinent : discissi certè, postquam orbis canalium, si quis antea fuerat, sublatus est, singulas partes tam vivaces habent, ut ex iis totidem nova animalia, tanquam arbores ex furculis, nascantur. Idemque docet experimentum in ranâ a Gerardo Swietenio, Medico Nobilissimo, institutum, quod mihi J. N. S. Allamandus, Vir non minus ingenii elegantià, quam doctrinæ varietate & subtilitate spectatus, hic Leidæ degenti narravit; nonnihil diversum ab eo quod in Vindiciis Difficultatum (f) commemorat Vir acutissimus, Antonius de Haen. Swietenius igitur, referente Allamando, cum ranæ cor aperuisset, tantam vim argenti vivi per Aortam infudit, ut omnem corporis partem, etiam corneæ vascula, fluido ponderosissimo impleverit; quo facto, non emori, non

(f) p. 124.

non torpere, non quiescere animal, sed pristinam agilitatem servare, sed saltuatim aliquandiu per cubiculum discurrere. Postremò, ut ad Homines jam veniamus, quoties compertum est, aquâ submersos, pulmonibus compressis, & sanguinis circuitum prohibentibus, non continuò vitale principium amittere, fed movendi & sentiendi facultatem post longum satis intervallum recipere? Atque hoc scio foramini ovali non integrè occluso a plerisque tribui; sed difficile est credere rem tam rarò in dissectionibus visam, in tam multis locum habere. Verùm de hoc exemplo, si quis aliter sentiat, non est quod acriter pugnemus. Omnem enim dubitationem eximit, quod ab Haenio, magni nominis Medico, scriptore autem accuratissimo, narratur (g): Cor in duobus mortuis adeo rigidum inventum fuisse, ut a longo tempore contrahi non potuisse non incertà conjecturà creditum sit; imo extitisse, qui vitam sine ullo fere fanguine, nedum circulante, producerent. Ex quo intelligitur, si vita liquorum circuitu non continetur, frustra esse, qui corpus humanum machinæ comparant, multoque magis, qui omnia morborum genera

ex

⁽g) Vindiciæ Difficult. p. 232 - 4.

ex ejus machinæ obstructione provenire censent.

Quibus omnibus cum liquidò constet Boerhaavium æquè ac Stahlium in causis morborum indagandis operam perdidisse, quid utique restat, donec meliora ab aliis & certiora proferantur, nisi ut penitus ignotas esse statuamus? Ubi non negamus, quorundam morborum originem crasse quidem & imperfecte cognosci, cognosci tamen: velut cum dicimus ebrietatem, aut vehemens exercitium, aut intempestivam frigidæ potationem huic vel illi febrim peperisse. Sed longè aliud multoque subtilius est, quod Theoretici profitentur, parumque iis videtur, causas hujusmodi evidentes invenisse, quod vulgaris & quotidianæ solertiæ esse putant, nisi explicare possis, quomodo vinum in fibras corporis humani agat, quidve in liquoribus cerebroque operetur, denique nisi causarum & effectuum seriem, totumque sebris generandæ progressum perfectè calleas. Hæc autem scientia est, quam Theoreticos falso sibi vindicare existimo, cùm in iis morbis quorum initium & occasio patet, tùm multo magis, ubi malum spontaneum est, ut in Febribus haud paucis, maximâque parte Chronicorum. Quamobrem, si verum esset, quod Theo reticos jactare audimus, morbos curari, nisi causa intellectà, non posse, omnibus omnino ægris abjicienda

da esset salutis recuperandæ spes, siquidem qui maximè hanc scientiam possidere se putant, nullo modo veritatem assecuti sunt, sed erroris manisesti tenentur. Verùm meliùs haud paullo benigniùsque cum genere humano actum est. Habemus enim Ducem sidum & paratum, Experientiam, quæ in omni sere ægritudine remedia suppeditat, quorum probata & testata est in similibus exemplis utilitas. Experientiam autem dico, non eam tantùm quam quisque sibi usu medendi comparavit, sed quodcunque etiam Practicorum lectione, aut viri periti testimonio addiscitur: quod quidem genus Historiæ nomine a veteribus Empiricis honestatum est. Hujus igitur Magistræ qui præcepta rite cognoverit, sideliterque sequatur, non magnopere, opinor, Theoreticorum subsidiis indigebit.

Sed huic nostræ disputationi haud dubito fore, qui aliis rationibus destituti, Boerhaavii samam opponent, neque omnino sibi persuaderi patientur, Virum in morbis internoscendis sagacissimum, nec minùs in curandis felicem, id quod multi etiamnum superstites testari possunt, talem, inquam, Virum salsam Theoriam condidisse, atque in ipsis principiis sontibusque, ut putantur, praxeos, errasse. Verùm nihil certius est, quam medendi peritiam & felicitatem nullo modo a doctrinæ veritate pendere, alterumque ab altero se-

junctum

junctum sæpissimè inveniri. Non defuere ante Boerhaavium, imo cunctis fere feculis atque in omni non barbara gente reperti funt, qui ægrotantibus promptè efficaciterque succurrerent ; iique , non unius tantùm scholæ, sed partim Methodici, partim Galenici, Sylvii quoque & Willisii sectatores, quorum Theoriæ cum valdè diversæ sint, erroneas esse aut omnes, aut omnes præter unam, necesse est. Unde igitur contigisse dicemus, ut in tot factiones distracti, singulique cum singulis de causis morborum pugnantes, medicinam nihilominùs omnes non pænitendo fuccessu exercerent? Nimirum ipsi illi, quotquot erant, Systematum conditores haud dubiè, quod in scholis defenderant, inter ægrotantium lectos deserere coacti funt; five Theoreticam rationem, cum in usum vocanda esset, nimis intricatam & difficilem experti, sive experientiæ monitis in magno discrimine refragari non ausi. Quod etiam ad Boerhaavium transferri potest; qui si ægrorum saluti promptiùs aliis certiùsque consuluit, non profectò id Theoriæ præstantia assecutus est, sed quòd morborum historias exitumque exquisitissimè calleret, essetque adeo optimus & peritissimus Empiricorum.

Atque hic existiment fortasse multi, quia dogmatum falsitas medendi solertiam non tollit, planè innocuum esse quemlibet de medicinæ principiis errorem, frustraque refelli opiniones, quæ, sermonibus tantum celebratæ, in arte exercendâ negliguntur. Qui non folum confiderare debent, quid Theoreticorum nonnullis ingenium & prudentia, usus denique medendi fuggesserit, verum etiam quid credibile sit imprudentes atque incautos facere, quam perverse atque ineptè curationes instituere, ut Theoriæ præceptis obsequantur. Quemadmodum inter populares meos fuisse accepi, qui in omnibus morbis spiritum & salem cornu cervi, nec quidquam præterea, adhibuerit; alium verò, qui argenti vivi deglutitionem ad fanitatem conservandam efficacissimam esse prædicaret. Quippe morborum causam haud dubiè in obstructionibus ponebant, nec quidquam simplicius inveniebant, quam vel dissolvere eas penetrantissimo sale, vel metalli ponderosissimi impulsu perrumpere. Sed ut horum incogitantiam mittamus; nonne suspicari licet, prudentes alioqui viros, cum judicium de novis aut parum cognitis remediis ferendum est, Theoriæ studio a veritate nonnunquam abduci? imo, non aliquot præcipitantiæ hujus exempla in Medicinæ annalibus commemorantur? Postremò, ad discendi saltem facilitatem haud parum interest, utrum quis rectà ad propositum eat, an per ambages difficilis & tortuosæ TheoTheoriæ circumducatur; nihilque miserius est, quam magno labore, multisque vigiliis scientiam comparasse, quæ postea, ubi ad rerum tractationem accedas, tota dediscenda est.

Quoniam verò Empiricæ rationis fautorem me professus sum, imprimis cavendum arbitror, ne quis eam, vocis ambiguitate deceptus, cum agyrtarum & circulatorum temeritate confundat. Duplex scilicet Empiricorum genus est; unum, quod nomina tantum morborum sectatur, quæ cum undecunque extuderit, continuò remedia, quæ isti morbo convenire dicuntur, fine ullo judicio aut delectu ingerit. Atque hoc quidem sensu qui rectè Empirici dicuntur, haud immeritò a prudentioribus impostores & homicidæ audiunt. Sed altera illa ratio, quam sequi me prositeor, quamque oratione defendendam suscepi, etsi in hujus infamiæ societatem aliquando venerit, tantùm a priori distat, quantum aut labor ab inertià, aut eruditio ab ignorantia, aut cura denique a temeritate sejungitur. Primò enim, nullam doctrinæ partem, quæ quidem veræ & certæ lucis aliquid præbeat, negligendam censet, maximum verò Medicæ scientiæ fontem in historiis morborum curationumque constituit. Eas igitur studiose perlustrat, atque ita, ut in unoquoque genere cum symptomatum varieta-

tes, tùm accessionem, statum, remissionem distinguat: simulque methodum, quæ in singulis profuerit, diligenter notet. Medicamina accuratè intelligi vult, cum omnibus adhibendi cautionibus: Anatomiam quoque ad phænomena morborum aliquatenus illustranda, non ad causam declarandam, assumit. Postremò, in remediis eligendis symptomatum naturam, ægrotantis habitum & ætatem, anni tempestatem, aliaque ejusmodi perpendit, nomine autem morbi duci fe aut commoveri non patitur. Atque hæc demum vera Empirice est (nisi Practicam dicere malis) cujus se sectatorem professus est, maximum in Medicina nomen, Sydenhamus; quam etiam Theoretici hactenus laudant (b), ut secundum ei locum post fuam quisque Theoriam concedant; unde primum quoque haud dubiè prudentissimi cujusque suffragio obtinebit.

Jam, si quis, morborum causas ignorari adhuc audiens, ex eo dubitare incipiat, utrùm ulla Medicinæ ars sit, facile erit eam suspicionem, vel medicorum illustrium exemplis, vel aliis argumentis minuere. Etenim negari non potest, quin in omnibus morbis, qui curationem recipiunt, certa ratio sit certumque

ægro-

⁽b) Boerhaay. Inflitut. n. 19.

ægrotantium regimen, quo servato, citiùs convalescunt, quam si contraria omnia fecerint. Quid igitur Medicum impedit, licet causam mali ignoraverit, hanc tamen rationem tenere, atque ita corpus affectum, si non fanare, aptissime saltem ad fanitatem recipiendam disponere. Atque hoc quanti momenti sit, cùm alia innumera, tùm vel maximè Variolæ declarant; quæ olim, remediis calidis irritatæ, planè horrendam stragem edere consueverant, postquam verò Sydenhamus tractandi viam aperuit, multum fævitiæ illius feritatisque amiserunt. Similiterque in Angina malignå, quæ ante viginti fere annos per Europam diffundi cœpit, qui venæsectione & purgantibus, ut prima ratio ferebat, curati sunt, ad unum interiere; quibus autem vires, ut postea factum est, myrrhatis potionibus & cortice peruviano reficiebantur, paucis exceptis fervati funt. Nunquam tamen audivi morbi causam ab iis qui hoc prodidere, aut alio quoquam. detectam esse: Sydenhamum certè constat, nihil tale sibi arrogasse, contentumque variolosæ labis effectus temperasse, naturam ejus Philosophis investigandam reliquisse.

Neque mirum videri debet Medicinam, Theorià destitutam, in quamplurimis tamen morbis sinem propositum attingere. Non videmus plebeios homines,

ligonique addictos, flores, olera, arbufcula feliciter curare? serendi, propagandi, colendi tempus & rationem tenere? quid foli augeat vel minuat fertilitatem, quid fingulis vegetantibus profit vel noceat, quæ umbrâ delectentur, quæ ab Euris protegenda sint, multaque porro alia accuratè intelligere? Quis tamen eorum, quid plantarum alimentum constituat, quomodo e terra hauriatur, qua vi fibrarum recentium teneritatem ad justam magnitudinem dilatet, hæc, inquam, & similia, quæ ne Eruditi quidem satis expediunt, quis unquam Hortulanus aut didicit aut cogitavit? Quisve in arte exercendà Philosophiæ præcepta, non Experientiæ secutus est? Sciunt igitur, quid vegetantium natura postulet, qui natura ea, qualis sit & quomodo nutriatur, explicare nequeunt; num pejorem Animalium conditionem putamus, ut quæ iis conveniunt, eadem ratione inveniri non possint? Aut Medicorum doctrinæ negamus, quod rustici, literarum rudes, Experientia duce, assecuti funt?

Esse revera Medicinæ artem, sublata Theoria, of stendimus: nunc, ne illiberalis forte habeatur, ad experientiam omnia referens, etiam honori ejus & dignitati prospiciemus. Quid enim est, quod artem quamcunque ignobilem & inhonestam facit? Nempe

si rerum paucarum minimèque obscurarum scientia continetur, adeoque non multa discendi subsidia postulat, omniumque fortunæ & diligentiæ patet; deinde si in ea exercenda nulla vis aut celeritas ingenii, judicandive solertia apparet. Quorum quid est, quod in Medicinam, etiam Empiricam, cadit? Primò, quæ ab Alumnis suis exigit, ut tot morborum historias, tot simplicium & mixtorum vires, tot Anatomiæ minutias, tam accurate edifcant, num exiguo doctrinæ apparatu contenta est? Subtilitate autem ingenii quomodo carere potest, cui necesse est, proposità ægritudine qualibet, brevissimo temporis spatio, quod genus morbi, quid præcipuum symptoma & cæterorum velut radix sit, deinde quomodo tollendum aut mitigandum sit, invenire. Atque hac quidem acuminis & folertiæ laude multo inferior foret Theoretica ratio, siquidem ulla esset quæ nomen hoc mereretur, neque adeo honoris gradum, qui Empiricæ debetur, ullo modo attingere posset. Etenim in vitâ videmus, quæcunque artes ad certa præcepta, certumque canonem exiguntur, faciliùs cum vulgo communicari, omninoque viliores esse iis, quæ ingenii præstantia nituntur. Etiam Pictura & Poësis, quæ in postremo hoc genere nobilissimæ fere habentur, statum honoris, quem nunc obtinent, haud dubie amitterent, si quis

quis methodum Philosophicam harum facultatum comparandarum ostenderit. Imperatoriæ quoque artes, quibus nihil gloriosius est, quo loco futuræ videntur, si bellorum exitus calculi Arithmetici necessitate regeretur? Nempe magnum existimari non posset, quod Mathematicus, ex umbra Scholastica prodiens, aut æquè cum Imperatore, aut meliùs etiam præstitisset. Quamobrem parùm sapienter Medicinæ consulunt, qui eam ad Theoriæ normam revocant; unde consequens esset, nihil ingenium valere, scientia & memoria omnia, quæ ad medendum utilia sunt, contineri.

Facile interea concedam, si quis, divino numine adjutus, certam & perspicuam Theoriam condiderit, quâ, velut acu Nauticâ, cursus Medicinæ per mare procellosissimum regeretur, nullo modo id benesicium repudiandum esse, nec Empiricæ adhærendum, postquam melior ratio reperta esset. Aliud, omnino aliud est hujus disputationis propositum. Negat hoc uspiam factum esse; negat naturam tam lauté usibus humanis providisse; falsa esse contendit, quæ Theoriæ nomine honestata sunt. Quamobrem iis, qui veræ Medicinæ studiosi sunt, nihil reliquum esse affirmat, nisi, ut veterem illam Nauticam, quæ ante pyxidis inventionem suit, imitentur; nimirum, ut stellarum

ortum & occasium, procellarum imminentium indicia, litorum quoque posituram accuratissimè ante omnia ediscant; deinde ut in altum delati, eo majorem cautionem adhibeant, quo fallaciorem cœli faciem, artemque incertiorem esse sciunt.

INIS. F



Denrium deliver ab Ophelialisis aliegne

THESES.

I.

Nullo argumento probatur sanguinem magis in pulmonibus, quam in reliquo corpore atteri.

II.

Incrementum corporis humani, postquam & formatum & in lucem editum est, ex Mechanicæ principiis explicari non potest.

III.

Venæsectionis in pede suspecta utilitas, incommoda certa sunt.

IV.

Dentium dolores ab Ophthalmiis aliisque topicis inflammationibus situ tantum disferunt, non curatione.